

Неделя 4 по Пасхе, о расслабленном. Глас 3.

НА ГОСПОДИ ВОЗЗВАХ СТИХИРЫ ВОСКРЕСНЫЕ, ГЛАС 3:

1. Стих: Изведи из темницы душу мою, / исповедатися
Имене Твоему.

Твоим Крестом, Христе Спасе, / смёрти держава разру-
ши́ся, / и диáволя прелесть упраздн́ся, / рód же челове-
ческий, верою спаса́емый, // песнь Тебе всегда́ приносит.

2. Стих: Мене ждут праведницы, / дондеже́ возда́си мне.

Просвети́шася вся́ческая / Воскресе́нием Твоим,
Го́споди, / и ра́й паки отве́рзеса, / вся́ же тварь восхва-
ля́ющи Тя, // песнь Тебе всегда́ приносит.

3. Стих: Из глубины воззвах к Тебе, Господи, Господи, услыши глас
мой.

Славлю Отца и Сына силу, и Духа Святаго пою власть, нераздель-
ное, несозданное Божество, Троицу Единосущную, царствующую
во век века.

4. Стих: Да будут уши Твои внимлюще гласу моления моего.

Кресту Твоему честному покланяемся, Христе, и Воскресение Твое
поем и славим. Раною бо Твоею мы вси исцелехом.

5. Стих: Аще беззакония назриши, Господи, Господи, кто постоит;
яко у Тебе очищение есть.

Поем Спаса от Девы воплощагося. Нас бо ради распятыя и в тре-
тий день воскресе, даруя нам велию милость.

6. Стих: Имене ради Твоего потерпех Тя, Господи, потерпе душа
моя в слово Твое, упова душа моя на Господа.

Сущим во аде сшед Христос благовести: дерзайте, глаголя: ныне
победих, Аз есмь Воскресение, Аз вы возведу, разрушив смертная
врата.

7. Стих: От стражи утренняя до ночи, от стражи утренняя, да уповаеет Израиль на Господа.

Недостойно стояще в пречистом дому Твоем, вечернюю песнь возсылаем, из глубины взывающе, Христе Боже: просветивый мир тридневным воскресением Твоим, изми люди Твоя от руки врагов Твоих, Человеколюбче.

Стихиры праздника (Триоди), глас 1:

8. Стих: Яко у Господа милость, и многое у Него избавление, // и Той избавит Израиля от всех беззаконий его.

9. Стих: Хвалите Господа вси языцы, // похвалите Его вси людие.

Дланию пречистою создавый человека, / пришёл еси, Благоутробне, недугующия исцелити, Христэ, / расслабленного во Овчей купели, / словом Твоим возставил еси: / кровоточивой же болезнь исцелил еси: / хананей отроковицу стужаемую помиловал еси, / и прошения сотника не презрел еси. / Сего ради зовём: // всесильне Господи, слава Тебе. **Дважды.**

10. Стих: Яко утвердися милость Его на нас, // и истина Господня пребывает во век.

Непогребен мертвец сый, / расслабленный видев Тя, возопи: / помилуй мя Господи, яко одр мой гроб мне бысть. / Что ми приобретение живота? / Не требую Овчия купели, / не имам бо никогоже влагающа мя, / возмущающимся водам: / но к Тебе источнику прихожду исцелений, / да и аз со всеми зову: // всесильне Господи, слава Тебе.

СЛАВА: СТИХИРА ТРИОДИ, ГЛАС 5:

Взыде Иисус во Иерусалим на Овчую купель, / глаголемую иудейски Вифесда, / пять притворов имущую: / в тех бо слезаше множество немощствующих. / Ангел бо Божий по вся лета сходя, возмущаше ю, / и здравие подаваше приступающим верою. / И видев Господь многовременна человека, глаголет к нему: / хочещи ли здрав быти? / Немощствующаяй отвечааше: / Господи, человека не имам, / да егда возмутится вода, / ввержет мя в купель: / врачом издах все имение мое, / и милости улучшить не сподобихся. / Но Врач душ и телес глаголет к нему: / возми твой одр и ходи, // проповедуя Мою силу, и велию милость в концех.

И НЫНЕ: ДОГМАТИК, ГЛАС 3:

Како не дивимся / Богомужному Рождеству Твоему, Пречестная? / Испытания бо мужескаго не приемши Всенепорочная, / родила бо еси без Отца Сына плотию. / Прежде век от Отца рожденнаго без матери, / никакоже претерпевшаго изменения, или смешения, или разделения, / но обою существу свойство цело сохраняшаго. / Темже Мати Дево Владычице, / Того моли спастися душам, // православно Богородицу исповедающих Тя.

Свете Тихий:

Прокимен воскресный: Господь воцарися, в лепоту облечися.

Сподоби, Господи, в вечер сей без греха сохранитися нам. / Благословен еси, Господи, Боже отец наших, / и хвально и прославлено имя Твое во веки. Аминь.

Буди, Господи, милость Твоя на нас, якоже уповашом на Тя. / Благословен еси, Господи, научи мя оправданием

Тво́йм./ Благословѣн еси, Влады́ко, вразуми мя оправда́нием Тво́йм./ Благословен еси, Святы́й, просвети мя оправдании Тво́ими.

Го́споди, мѣлость Твоя во век, дел руку Твоею не прѣзри./ Тебе подобает хвала, Тебе подобает пѣние,/ Тебе слава подобает, Отцу и Сыну и Святому Духу, // ны́не и прѣсно и во веки веко́в, ами́нь.

НА ЛИТИИ

Стихира храма.

Слава: Триоди, глас 5:

При овчей купели,/ человек лежаше в немощи,/ и видев Тя Господи, вопияше:/ человека не имам,/ да егда возмутится вода, ввержет мя в ню./ Егда же прихожду, ин предваряет мя, и приемлет исцеление:/ аз же немощствуяй лежу./ И абие умилосердився Спас, глаголет к нему:/ тебе ради Человек быв,/ тебе ради в плоть облекохся,/ и глаголеши: человека не имам:/ возми одр твой и ходи./ Вся Тебе возможна, вся послушают, вся повинуются:/ всех нас помяни, и помилуй Святы́й, // яко Человеколюбец.

И ныне: Богородичен воскресный, глас 5:

Храм и дверь еси,/ палата и престол Царев,/ Дево Всечестная:/ Еюже Избавитель мой, Христос Господь,/ во тме спящим явися, Солнце съй правды,/ просветити хотя, яже созда по образу Своему рукою Своею./ Темже Всепетая,/ яко матерне дерзновение к Нему стяжавшая, // непрестанно моли спастися душам нашим.

НА СТИХОВНЕ СТИХИРА ВОСКРЕСНАЯ, ГЛАС 3:

Стра́стию Твоёю, Христé,/ омрачívый со́лнце,/ и свéтом
Твоего Воскресéния,/ просветívый вся́ческая,// прими
нашу вечернюю песнь Человéколюбче.

Стихиры Пасхи, глас 5:

Стих: Да воскреснет Бóг,/ и расточáтся врази́ Его́.

Пáсха/ священная нам днёсь показася;/ Пасха нова святáя;/ Пасха
та́инственная;/ Пáсха всечестна́я./ Пáсха Христóс Избáвитель;/
Пасха непорóчная;/ Пáсха вели́кая;/ Пáсха вёрных./ Пасха двери
райския нам отверза́ющая.// Пáсха всех освяща́ющая вёрных.

Стих: Яко исчезает дым,/ да исчéзнут.

Приидите/ от видения жены́ благовéстницы,/ и Сиóну рцýте:/ при-
имí/ от нас радости благовещения, Воскресéния Христóва:/ кра-
суйся, ликуй/ и радуйся, Иерусали́ме,/ Царя́ Христа узрев из
гроба,// я́ко жениха́ происходя́ща.

Стих: Тако да погибнут грешницы от Лица Бóжия,/ а пра́ведницы да
возвеселя́тся.

Мирно́сицы жены́,/ úтру глубоку́,/ предста́вша грóбу Живода́вца,/
обретóша Ангела/ на ка́мени сидя́ща,/ и то́й провещáв им,/ сйце
глаго́лаше:/ что ищите Живаго с мёртвыми;/ что плачете Не-
тлénнаго во тли?// Шéдше, проповéдите ученикóм Его́.

Стих: Сей день, егоже сотвори́ Господь,/ возра́дуемся и вознесе-
ли́мся в онь.

Пасха красная,/ Пáсха, Господня Пáсха!/ Пáсха всечестна́я/ нам
возсия. Пáсха,/ радостию друг друга обы́мем./ О Пáсха!/ Избав-
лэние скóрби,/ ибо из грóба днёсь,/ я́ко от черто́га/ возсияв
Христóс,/ жéны радости исполни, глаго́ля:// проповéдите
апóстолом.

Слава Триоди, глас 8.

В притворе Соломонове, / тамо слежаше множество немощствующих, / и преполовившуся празднику, / обрете Христос тридесять осмь лет расслаблена лежаща, / Владычным гласом глаголет к нему: / хочещи ли здрав быти? / Немощствуяй отвещаваше: / Господи, человека не имам, / да егда возмутится вода, ввержет мя в купель. / Он же глаголет к нему: / возми одр твой, и ходи: / се здрав был еси, ктому не согрешай. / Богородицы молитвами // низпосли нам велию милость.

И ныне и присно и во веки веков. Аминь.

Воскресения день, / и просветимся торжеством, / и друг друга обьемем. / Рцем братие, / и ненавидящим нас, / простим вся Воскресением, / и тако возопиим: / Христос воскрес из мертвых, / смертью смертью поправ, // и сущим во гробех живот даровав.

Богородице Дево: Трижды.

Псалом 33:

Благословлю Господа на всякое время, / выну хвала Его во устех моих. / **О** Господе похвалится душа моя, / да услышат кротцыи, и возвеселятся. / **В**озвеличите Господа со мною, / и вознесем Имя Его вкупе. / **В**зысках Господа, и услыша мя, / и от всех скорбей моих избави мя. / **П**риступите к Нему, и просветитесь, / и лица ваша не постыдятся. / **С**ей нищий воззва, и Господь услыша и, / и от всех скорбей его спасе и. / **О**полчится ангел Господень окрест боящихся Его, / и избавит их. / **В**кусите и видите, яко благ Господь: / блажен муж, иже уповает на Нань. / **Б**ойтесь Господа, вси святии Его, / яко несть лишения боящимся Его. / **Б**огатии обнищаша и взалкаша: / взыскающие же Господа // не лишатся всякаго блага.

По возгласе, Христос воскрес. Трижды.

**НА УТРЕНИ НА «БОГ ГОСПОДЬ»
ТРОПАРЬ ВОСКРЕСЕН, ГЛАС 3:**

Да веселятся небéсная,/ да ра́дуются земна́я:/ яко сотво-
ри держа́ву/ мышцею Своёю Господь,/ попрá смёртию
смёрть,/ первенец мёртвых бы́сть,/ из чрева адова изба́ви
нас,// и подаде мирови ве́лию милость. **Дважды.**

Слава и ныне: Богородичен:

Тя ходатайствовавшую спасение рода на́шего,/ воспева-
ем, Богородице Де́во:/ плотию бо от Тебе восприятою
Сы́н Твой и Бо́г наш,/ Крестом воспри́м стра́сть,// избави
нас от тли, я́ко Человеколю́бец.

Полиелей:

Тропари воскресные, глас 5:

Благословен еси, Го́споди,/ научи мя оправданием Твои́м./
Ангельский собор удивíся,/ зря́ Тебе в мертвых вме-
ни́вшася,/ смертную же, Спасе, крепость разори́ша,/ и с
Собо́ю Адама воздви́гша,// и от ада вся́ свобо́ждша.

Благословён еси, Го́споди,/ научи мя оправданием Твои́м./
Почто́ мира с милостивными слезáми,/ о учени́цы раство-
ряете?/ Блистайся во гробе а́нгел/ мирно́сицам вещáше:/
вídите вы гроб и уразумéйте,// Спа́с бо воскресе от гроба.

Благословён еси, Го́споди,/ научи мя оправданием Твои́м./
Зелó рано мирно́сицы теча́ху/ ко грóбу Твоему ры-
да́ющия,/ но предста к ним а́нгел, и рече́:/ рыдания́ время
преста, не пла́чите,// воскресение же апо́столом рцы́те.

Благословён еси, Го́споди,/ научи мя оправданием Твои́м./
Мирно́сицы жены, с миры пришéдша/ ко грóбу Твоему,
Спасе, рыда́ху,/ ангел же к ним рече, глаго́ля:/ что с

мёртвыми Живаго помышляете?// Яко Бóг бо воскресе от грóба.

Сла́ва Отцу и Сыну и Святому Дúху/ Поклонимся Отцу́,/ и Егó Сынови, и Святому Дúху,/ Святéй Троице во еди́ном существе́, с Серафимы зовúще:// Свят, Свят, Свúт еси, Гóсподи.

И ны́не и присно и во веки веко́в. Ами́нь./ Жизнодавца ро́ждши,/ грехá, Дево, Адама избáвила еси́,/ рáдость же Еве в печали место подала́ еси́;/ падшия же от жи́зни/ к сéй напра́ви,// из Тебе воплотívыйся Бóг и Человéк.

Аллилу́иа, аллилуиа, аллилу́иа,// слава Тебе, Бóже. **Трижды.**

Степенна, глас 3:

Прокимен, глас 3: Рцыте во языцех, яко Господь воцарися,/ ибо исправи вселенную, яже не подвижится.

Воскресение Христово вíдевши,/ поклонимся Святому Господу Иисúсу,/ Единому Безгрéшному./ Кресту Твоему поклоня́емся Христé,/ и Святое Воскресение Твое поем и сла́вим:/ Ты бо еси Бóг на́ш,/ разве Тебе иного не зна́ем,/ Имя Твое именúем./ Приидите вси вёрнии,/ поклонимся Святому Христову воскресéнию:/ се бо прииде Крестом радость все́му ми́ру./ Всегда благословяще Гóспода,/ поем Воскресéние Егó:/ распúтие бо претерпéв,// смёртию смёрть разруши́. **Трижды.**

КАНОН ПАСХИ, ГЛАС 1:

Воскресѣнія дѣнь,/ просветимся, людіе./ Пасха, Господня Пасха:/ от смерти бо к жизни,/ и от земли к небесі,/ Христос Бог нас преведѣ, // побѣдную поющія.

Христос воскресе из мѣртвых./ Очистим чувства, и ўзрим/ неприступным свѣтом/ Воскресѣнія, Христа/ блистающа-ся,/ и радуйтесь, рекуща,/ ясно да услышим, // побѣдную поюще.

Христос воскресе из мѣртвых./ Небеса убо достойно да веселятся,/ земля же да радуется,/ да празднует же мѣръ,/ видимый же весь и невидимый:/ Христос бо воста, // веселие вѣчное.

Пресвятая Богородице, спаси нас./ Умерщвления предел сломила еси,/ вѣчную жизнь рождающая Христа,/ из гроба возсиявшаго днесь,/ Дево Всенепорочная, // и мир просветившаго.

Пресвятая Богородице, спаси нас./ Воскресшаго видевши Сына Твоего и Бога,/ радуйся со апостолы Богоблагодатная Чистая:/ и еже радуйся первее,/ яко всех радости вина, восприяла еси, // Богомати Всенепорочная.

Канон праздника Троицы (о расслабленном), глас 3:

Катавасія: Воскресѣнія дѣнь:

Песнь 3:

Приидите, пиво прием н^овое,/ не от камене неплодна чудо-
д^еемое,/ но нетления ист^очник/ из гроба одожд^ивша Христа, //
в Немже утвержда^емся.

Христос воскресе из м^ертвых./ Ныне вся исполнишася св^ета,/ небо
же и земля, и преисп^одняя:/ да празднует убо вся тв^арь/ востание
Христ^ово, // в немже утвержда^ется.

Христос воскресе из м^ертвых./ Вчера спогребохся Теб^е Христ^е,/
совостаю дн^есь/ в^оскр^есшу Теб^е,/ сраспинахся Теб^е вчера, // С^ам
мя спрослави Спасе во Ц^арствии Тво^ем.

Пресвятая Богородице, спаси нас./ На нетленную жизнь прихожд^у
дн^есь/ благостию рождшагося из Тебе, Ч^истая, // и всем концем свет
облиста^вшаго.

Пресвятая Богородице, спаси нас./ Бога, Егоже родила еси
пл^отию,/ из мертвых, я^коже реч^е,/ воставша видевши, Ч^истая, ли-
к^уй, // и Сего яко Бога Преч^истая возвеличай.

Катавасия: Приидите, пиво прием н^овое,/ не от камене неплодна чу-
дод^еемое,/ но нетления ист^очник/ из гроба одожд^ивша Христа, // в
Немже утвержда^емся.

Кондак Пасхи, глас 8:

Аще и во гр^об снишел еси, Безсм^ертне,/ но ^адову разрушил еси
си^лу,/ и воскр^есл еси, яко победитель, Христ^е Б^оже,/ женам
мироно^сицам вещавый: радуйтеся,/ и Тво^им ап^остолом мир
да^руйай,/ падшим подай воскрес^ение.

Икос:

Еже пр^ежде со^лнца Со^лнце зашедшее иногда во гр^об,/ пр^едвар^иша
ко^у утр^у,/ ищущия яко дн^е мироносицы д^евы,/ и др^уга ко^у друз^ей во-
п^ияху:/ о друг^ини! Приидите, вонями помажем тело живоносное и
погреб^еное,/ пл^оть воскрес^ившаго падшаго Адама, лежащую во
гр^обе./ Идем, потщимся якоже волсви, и поклонимся,/ и принесем
ми^ра яко дары,/ не в п^елен^ах, но в плащанице об^витому,/ и плачим,
и возоп^иим:// о Владыко, вост^ани, падшим подай воскрес^ение.

Песнь 4:

На Божественней стражи/ богоглаголивый Аввакум/ да
станет с нами, и покажет/ светоносна Ангела,/ ясно
глаголюща:/ днесь спасение миру,/ яко воскресе Христос,//
яко всесильен.

Христос воскресе из мертвых./ Мужеский убо пол,/ яко
разверзый девственную утробу,/ явился Христос:/ яко чело-
век же,/ Агнец наречется:/ непорочен же,/ яко невкусен
скверны,/ наша Пасха,/ и яко Бог истинен// совершен ре-
чется.

Христос воскресе из мертвых./ Яко единоклетный агнец,/
благословенный нам венец Христос,/ волею за всех заклан
бысть,/ Пасха очистительная,/ и паки из гроба красное//
правды нам возсия Солнце.

Христос воскресе из мертвых./ Богоотец убо Давид/ пред
сенным ковчегом скакаше играя,/ людие же Божии святии,/
образов сбытие зряще,/ веселимся Божественне,/ яко вос-
кресе Христос,// яко Всесильен.

Пресвятая Богородице, спаси нас./ Создавый Адама, Твоего
праотца, Чистая,/ зиждется от Тебе,/ и смертное жилище
разори Своею смертию днесь,/ и озари вся// божественными
блистаньями воскресения.

Пресвятая Богородице, спаси нас./ Егоже родила еси Хри-
ста,/ прекрасно из мертвых возсиявша, Чистая, зрящи,/
добрая и непорочная в женах и красная,/ днесь во спасение
всех,// со апостолы радуящихся, Того прославляй.

Катавасия: На Божественней стражи:

Песнь 5:

Утренюем ўтреннюю глубокú,/ и вместо мира пёснь при-
несем Влады́це,/ и Христа ўзрим/ правды Со́лнце, //
всем жизнь возсия́юща.

Христос воскресе из мёртвых./ Безмерное Твое благо-
утроби́е,/ адовыми узами содержимии зря́ще,/ к свету
идя́ху, Христе́,/ веселыми нога́ми, // Пасху хваляще вёчную.

Христос воскресе из мёртвых./ Приступим священóснии,/
исходящу Христу из гроба, я́ко жениху́,/ и спразднуем лю-
бопразднственными чинми // Пасху Божию спасительную.

Пресвятая Богородице, спаси́ нас./ Просвещается боже-
ственными лучами и живонóсными/ воскресения Сы́на Тво-
его́,/ Богомати Пречы́стая, // и радости исполняется благоче-
стивых собра́ние.

Пресвятая Богородице, спаси́ нас./ Не разверзл еси врата
девства в воплощёнии,/ гроба не разрушил еси печатей,/
Царю создáния:/ отонудуже воскресшаго Тя зря́щи, // Ма́ти,
радовашеся.

Катавасия: **У**тренюем ўтреннюю глубокú,/ и вместо мира
пёснь принесем Влады́це,/ и Христа ўзрим/ правды
Со́лнце, // всем жизнь возсия́юща.

Песнь 6:

Снизшел еси в преисподняя земли, / и сокрушил еси верей вечныя, / содержащая связанныя, Христэ, / и тридневен, яко от кита Иона, // воскресл еси от гроба.

Христос воскрес из мертвых. / Сохранив цела знамения Христэ, / воскресл еси от гроба, / ключи Девы не вредивый в рождестве Твоём, / и отверзл еси нам // райския двери.

Христос воскрес из мертвых. / Спасе мой, / живое же и нежертвенное заклéние, / яко Бог Сам Себé / волею привёл Отцú, / совоскресил еси всероднаго Адама, // воскрес от гроба.

Пресвятая Богородице, спаси нас. / Возведеса древле держимое смертию и тлением, / воплотившимся от Твоего пречистаго чрева, / к нетленной и присносущней жизни, // Богородице Дéво.

Пресвятая Богородице, спаси нас. / Сниде в преисподняя земли, / в ложесна Твоя, Чистая, сщедый, / и вселивыйся и воплотивыйся паче ума, / и воздвиже с Собою Адама, // воскрес от гроба.

Катавасия: Снизшел еси в преисподняя земли, / и сокрушил еси верей вечныя, / содержащая связанныя, Христэ, / и тридневен, яко от кита Иона, // воскресл еси от гроба.

Кондак праздника Триоди (о расслабленном), глас 3:

Дúшу мою, Господи, во гресех всяческих, / и безместными деяньми люте разслаблену, / воздвигни Божественным Твоим предстательством, / якоже и расслабленнаго воздвигл еси дрéвле, / да зову Ти, спасаемь: Щéдрый, // слава Христэ, держáве Твоéй.

Песнь 7:

Отроки от печи избáвивый,/ б́ыв Человéк,/ стра́ждет
яко смéртен,/ и страстию смéртное,/ в нетления обла-
чи́т благоле́ние,/ Еди́н благословéн// отцев Бог, и препрос-
ла́влен.

Христос воскресе из мёртвых./ Жены с миры богомúдрыя/
в след Тебе течáху:/ Егоже, яко мертва, со слезами иска́ху,/
поклонишася радующияся Живому Бóгу,/ и Пасху та́йную//
Твоим, Христе, учеником благовести́ша.

Христос воскресе из мёртвых./ Смерти празднуем умерщ-
влéние,/ áдово разрушéние,/ иного жития вечнаго нача́ло,/
и играюще поем Винóвнаго,/ Еди́наго благословéннаго// от-
цев Бога, и препросла́вленнаго.

Христос воскресе из мёртвых./ Яко воистинну свящénная,/
и всепразднственная сия спаси́тельная но́щь,/ и свето-
за́рная,/ светонóснаго днé,/ востания су́щи провоз-
вéстница:/ в нейже безлётный Свёт// из гроба плотски всём
возсия́.

Пресвятая Богородице, спаси́ нас./ Умертвив Сы́н Твой
смéрть,/ Всенепоро́чная, днесь,/ всем смертным пребы-
ва́ющий живóт/ во веки веко́в дарова́,/ еди́н благосло-
вéнный// отцев Бог и препросла́вленный.

Пресвятая Богородице, спаси́ нас./ Всем царствуяй соз-
да́нием,/ б́ыв человек,/ вселися в Твою, Богоблагодатная,
утрóбу,/ и распятие претерпéв и смéрть,/ воскресе бого-
ле́пно,// совозставив нас яко всесия́лен.

Катавасия: Отроки от печи избáвивый:

Песнь 8:

Сей нареченный и святы́й день,/ Един суббо́т Ца́рь и Гос-
по́дь,/ пра́здников пра́здник/ и торже́ство́ есть тор-
же́ств, // вонъже благословим Христа во ве́ки.

Христос воскресе из ме́ртвых./ Приидите, новаго винограда
рождéния,/ Божественнаго весéлия,/ в нарочитом днѣ Вос-
кресéния,/ Царствия Христова приобщѣмся,/ по́юще́ Его́, //
яко Бога, во ве́ки.

Христос воскресе из ме́ртвых./ Возведи окрест очи твои,
Сио́не, и ви́ждь:/ се бо приидо́ша к тебе́,/ яко богосветлая
светѣла,/ от запада, и севера, и мо́ря,/ и востока ча́да твоѣ, //
в тебе благословящая Христа во ве́ки.

Пресвятая Троице, Боже наш, слава Тебе. Отче Вседержи-
телю, и Слове, и Ду́ше,/ трети соединяемое во Ипостáсах
Естество́,/ Пресущественне и Пребоже́ственне,/ в Тя кре-
сти́хомся, // и Тя благословим во вся ве́ки.

Пресвятая Богородице, спаси́ нас./ Прииде Тобою в ми́р
Госпо́дь,/ Дево Богоро́дице,/ и чрево а́дово расто́рг,/
смертным нам воскресéние дарова́: // Темже благословим
Его во ве́ки.

Пресвятая Богородице, спаси́ нас./ Всю низложив смерти
державу Сын Твой, Дéво,/ Своим воскресéнием,/ яко Бог
крепкий совознесе нас и обожѣ: // темже воспеваем Его во
ве́ки.

**Хвалим, благословим, поклоняемся Господеви, поюще и
превозносяще во вся веки.**

Катавасия: Сей нареченный и святы́й день,/ Един суббо́т
Ца́рь и Госпо́дь,/ пра́здников пра́здник/ и торже́ство́ есть
торже́ств, // вонъже благословим Христа во ве́ки.

Песнь 9:

Светися, светися,/ нóвый Иерусали́ме:/ сла́ва бо Госпо́дня/ на тебе́ возсия́./ Ли́куй ны́не/ и веселися, Сио́не./ Ты же, Чистая, красуйся, Богоро́дице, // о востании Рожде́ства Твоего́.

Христос воскресе из мёртвых./ О Божественнаго, о любéзнаго,/ о сладчайшаго Твоего гла́са!/ С на́ми бо неложно обеща́лся еси бы́ти,/ до сконча́ния ве́ка, Христé:/ Его́же, ве́рний, // утвержде́ние наде́жди имуще, ра́дуемся.

Христос воскресе из мёртвых./ О Пасха велия и свяще́нейшая, Христé!/ О мудросте, и Сло́ве Божий, и си́ло!/ Подавай нам истее́ Тебе причаща́тися, // в невечернем дни Ца́рствия Твоего́.

Пресвятая Богородице, спаси́ нас./ Согласно, Дево, Тебе блажим ве́рнии:/ радуйся, дворе Госпо́дня:/ радуйся, граде одушевлéнный:/ радуйся, Ея́же ради нам ны́не возсия́ свéт, // из Тебе Рожде́ннаго из мёртвых Воскресе́ния.

Пресвятая Богородице, спаси́ нас./ Веселися и радуйся божественная дворе Сvéта:/ заше́дый бо Иисус во грóб возсия́,/ просияв солнца свéтле́е,/ и верныя вся́ озари́в, // Богорадованная Влады́чице.

Катавасия: Светися, светися:

Таже, «Свят Господь Бог наш».

СВЕТИЛЕН ПАСХИ:

Плóтию усну́в,/ я́ко мёртв,/ Царю́ и Го́споди,/ тридневен воскрéсл еси́,/ Ада́ма воздвиг от тли́,/ и упразднив сме́рть:/ Пасха не-тлéния, // ми́ра спасéние.

Слава: дру́гий. Подобен: Же́ны услышите:

Предста Человеколюбец и всеще́дрый Господь Овчей купели, еже исцелити недуги: обрете́ же человека́ слежа́ща многими леты, и к нему́ возопи: возми одр, и иди на пути правыя.

И ны́не: тойже.

НА ХВАЛИТЕХ СТИХИРЫ ВОСКРЕСНЫ, ГЛАС 3:

1. Стих: Сотворити в них суд написан:/ слава сия будет всём препода́бным Его.

Приидите вси языцы,/ уразумейте страшныя тайны силу:/ Христос бо Спас наш,/ Еже в начале Слово,/ распяты нас ради,/ и волюю погребёся,/ и воскресе из мёртвых,/ еже спасти всяческая:// Тому поклонимся.

2. Стих: Хвалите Бога во святых Его,/ хвалите Его в утвержении силы Его.

Поведаша вся чудеса стражие Твои, Господи,/ но собор суеты исполни мздою десницу их,/ скрыти мняше воскресение Твое,// еже мир славит: помилуй нас.

3. Стих: Хвалите Его на силах Его,/ хвалите Его по множеству величества Его.

Радости вся исполнишася воскресения искус приемша: Мариа бо Магдалина ко гробу прииде, обрете ангела на камени сидяща, ризами блистающася и глаголюща: что ищите живаго с мертвыми: несть zde, но воста, якоже рече, предваряя вы в Галилеи.

4. Стих: Хвалите Его во гласе трубнем: хвалите Его во псалтири и гуслех.

Во свете Твоем Владыко, узрим свет Человеколюбче: воскресл бо еси из мертвых, спасение роду человеческому даруя: да Тя вся тварь славословит Единого Безгрешного, помилуй нас.

5. Стих: Хвалите Его в тимпане и лице, хвалите Его во струнах и органе.

Песнь утреннюю мироносицы жены со слезами приношаху Тебе Господи, благоухания бо ароматы имуща, гроба Твоего достигоша, пречистое тело Твое помазати тщащася. Ангел седяй на камени тем благовести: что ищите живаго с мертвыми; смерть бо поправ воскресе яко Бог, подавая всем велию милость.

6. Стих: Хвалите Его в кимвалех доброгласных, хвалите Его в кимвалех восклицания: всякое дыхание да хвалит Господа.

Блистаяся ангел на гробе Твоем животворнем, мироносицам глаголаше: истощив гробы Избавитель плени ада, и воскресе тридневен, яко Един Бог и Всесилен.

7. Стих: Воскресни Господи Боже мой, да вознесется рука Твоя, не забуди убогих Твоих до конца.

Во гробе Тя искаше, пришедши во едину от суббот Мариа Магдалина, не обретши же рыдаше с плачем вопиючи: увы мне Спасе мой! Украден был еси всех Царю. Супруг же живоносных ангел внутрь гроба вопияше: что плачеша О жено; плачу, глаголет, яко взяша Господа моего от гроба, и не вем где положиша Его. Сия же обращшиися вспять, яко виде Тя, абие возопи: Господь мой и Бог мой, слава Тебе.

8. Стих: Исповемся Тебе Господи всем сердцем моим, повем вся чудеса Твоя.

Евреи затвориша во гробе Живот, разбойник же отверзе языком наслаждение, зовый и глаголя: Иже со мною мене ради распныйся: сообеси ми ся на древе, и явися мне на престоле со Отцем сидя: Той бо есть Христос Бог наш, имей велию милость.

СЛАВА, ГЛАС 8:

Господи, расслабленнаго не купель исцели, / но Твое слово обнови, / и ниже многолетний запят ему недуг: / яко гласа Твоего скорейшее действие показася, / и неудобноносимую тяжесть отверже, / и бремя одра понесет, во свидетельство // множества щедрот Твоих, слава Тебе.

И НЫНЕ: ГЛАС 2:

Преблагословенна еси, Богородице Деве, / Воплощшим бо ся из Тебе ад пленися, / Адам воззвася, / клятва потребися, / Ева свободися, / смерть умертвися, и мы ожихом. / Тем воспевающе вопием: / благословен Христос Бог, // благоволивши тако, слава Тебе.

По славословии тропарь воскресный, глас 1:

Днесь спасение міру бысть,/ поем Воскресшему из гроба,/ и Начальнику жизни нашея:/ разрушив бо смертию смерть,// победу даде нам и велию милость.

По отпусте, Слава и ныне: Евангельская утренняя стихира III, глас 3:

Магдалине Маріи/ Спасово благовествующей из мертвых Воскресение и явление,/ не верующе же ученицы, поносими быша о жестосердїи:/ но знаменїи вооружшеса и чудесы,/ ко проповеданию посылахуся,/ и Ты убо, Господи,/ к начальному свету вознеслся еси Отцу,/ онї же проповедаша всюду слово, чудесы уверяюще./ Темже просветившеса теми,/ славим Твое еже из мертвых воскресение,// человеколюбче Господи.

НА ЛИТУРГИИ ПО ВХОДЕ ТРОПАРЬ ВОСКРЕСЕН, ГЛАС 3:

Да веселятся небесная,/ да радуются земная;/ яко сотвори державу/ мышцею Своею Господь,/ попра смертию смерть,/ первенец мертвых бысть;/ из чрева адова избави нас,// и подаде миру велию милость.

Слава: кондак праздника Троицы (о расслабленном), глас 3:

Душу мою, Господи, во гресех всяческих,/ и безместными деяньми люте расслаблену,/ воздвигни Божественным Твоим предстательством,/ якоже и расслабленнаго воздвигл еси древле,/ да зову Ти, спасаемь: Щедрый,// слава Христе, державе Твоей.

И ныне: кондак Пасхи, глас 8:

Аще и во гроб снишел еси, Безсмертне,/ но адову разрушил еси силу,/ и воскресл еси, яко победитель, Христе Боже,/ женам мирносицам вещавый: радуйтесе,/ и Твоим апостолом мир даруйай,// падшим подай воскресение.

Прокимен Триоди (Недели о расслабленном), глас 1: Буди Господи милость Твоя на нас,/ якоже уповахом на Тя.

Задостойник Пасхи:

Причастны:

Пасхи: Тело Христово примите, источника бессмертного вкусите.

Воскресный: Хвалите Господа с небес, хвалите Его в вышних.

После Причастия:

Иерей: Спаси Боже люди Твоя, и благослови достояние Твое.

Хор: Христос воскрес: **(Единожды, протяжно)**

Иерей: Всегда ныне и присно, и во веки веков.

Хор: Аминь. **Да** исполнятся уста наша:

Далее как обычно до возгласа: Слава Тебе, Христе Боже, Упование наше, Слава Тебе.

Христос воскрес: Трижды.

Воскресный отпуст: Воскресый из мертвых Христос, Истинный Бог наш, молитвами Пречистыя Своея Матере...

Христос воскрес (скорое). Трижды.

И нам дарова́/ живот вéчный,/ покланяемся Егó// тридневному воскресéнию.

Великаго Господина: